

Broj: 01-02-333/26
Mostar, 06.04.2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM**

n/p g-din Ivan Miličević, sekretar ✓
n/p gđa Jasmina Bišćević Tokić, zastupnica

**Hamdije Kreševljakovića br. 3
71000 S A R A J E V O**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 13-04-2026			
Org. jed.	Broj	Priloga	Vrijednost
05/1	- 02 -	129	126

Predmet: Odgovor na zastupničko pitanje zastupnice Jasmine Bišćević Tokić, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), i člana 116. stav (3) Poslovnika Predstavničkog/Zastupničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24), na 29. redovnoj sjednici Zastupničkog doma Parlamenta Federacije Bosne i Hercegovine održanoj 11.03.2026. godine, zastupnica Jasmina Bišćević Tokić, od nadležnih institucija zatražila je informacije, kako slijedi:

1. Da li je u toku 2025. godine vršeno kvartalno usklađivanje cijene prirodnog gasa koju Energoinvest d.d. Sarajevo fakturiše BH-Gas d.o.o. Sarajevo, u skladu sa promjenama nabavne cijene prirodnog gasa od dobavljača Gazprom?
2. Ukoliko nije vršeno kvartalno usklađivanje cijena prirodnog gasa u 2025. godini, molim da se dostavi detaljno obrazloženje razloga zbog kojih do usklađivanja nije došlo.
3. U slučaju da cijene nisu usklađivane u skladu sa promjenama nabavne cijene, molim da se dostavi detaljan finansijski izvještaj iz koga će biti vidljivo:
 - kolika je bila nabavna cijena prirodnog gasa od Gazproma u svakom kvartalu 2025. godine,
 - kolika je bila prodajna cijena prirodnog gasa koju je Energoinvest fakturisao BH-Gasu u istom periodu,
 - kolika je ukupna finansijska razlika ostvarena po osnovu eventualnog neusaglašavanja cijena.

Postupajući prema postavljenim pitanjima, federalni ministar trgovine u okviru svojih nadležnosti daje sljedeći:

Odgovor

Federalno ministarstvo trgovine u skladu sa Zakonom o federalnim ministarstvima i drugim organima federalne uprave („Službene novine Federacije BiH“ br. 58/02, 19/03, 38/05, 2/06, 8/06, 61/06 i 48/11), vrši upravne, stručne i druge poslove iz nadležnosti Federacije BiH koji se odnose na trgovinu, funkcioniranje jedinstvenog tržišta, uticaj privrednog sistema i ekonomske politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom.

U skladu sa navedenim Federalno ministarstvo trgovine provodi odgovorne politike za koje je nadležno, a naročito u pogledu predlaganja određenih mjera neposredne kontrole cijena Vladi Federacije BiH.

S tim u vezi, vezano za propisanu proceduru donošenja Odluke o davanju saglasnosti na veleprodajnu cijenu prirodnog gasa ističemo da je pravni osnov za donošenje Odluke sadržan članu 4. alineja 3. i članu 5. stav 1. Zakona o kontroli cijena («Službene novine Federacije BiH», br. 2/95 i 70/08) i članu 31. stav (1) Uredbe o organizaciji i regulaciji sektora gasne privrede („Službene novine Federacije BiH“, br. 83/07, 71/21 i 91/22), a u vezi sa tačkom II Odluke o mjerama neposredne kontrole određenih proizvoda i usluga od interesa za Federaciju Bosne i Hercegovine («Službene novine Federacije BiH», broj 34/09 i 93/14). Citirane odredbe Odluke regulišu da Vlada Federacije BiH propisuje mjere neposredne kontrole cijena, pored ostalog, davanjem saglasnosti na cijenu prirodnog gasa, a zahtjev sa obrazloženjem i dokumentacijom se podnosi putem Federalnog ministarstva trgovine, uz prethodno pribavljeno mišljenje resornog ministarstva, odnosno Federalnog ministarstva energije, rudarstva i industrije.

U kontekstu navedenog, Vlada Federacije Bosne i Hercegovine kada je u pitanju veleprodajna cijene prirodnog gasa u vremenskom periodu od 01.01. do 31.12.2025. godine donijela je sljedeće odluke:

1. Odluka o davanju saglasnosti na veleprodajnu cijenu prirodnog gasa („Službene novine Federacije BiH“, broj 5/25). Predmetnom odlukom određena je veleprodajna cijena prirodnog gasa za distributivne kompanije (povlaštene tarifne kupce) u iznosu od 808,85 KM/1.000 Sm³, odnosno 0,80885 KM/Sm³ (t=15°C, p=1,01325 bar, važeći uslovi za Bosnu i Hercegovinu), donja toplotna vrijednost prirodnog gasa (Hd=34.075,60 kJ/Sm³), i
2. Odluka o davanju saglasnosti na veleprodajnu cijenu prirodnog gasa („Službene novine Federacije BiH“, broj 78/25). Predmetnom odlukom određena je veleprodajna cijena prirodnog gasa za distributivne kompanije (povlaštene tarifne kupce) u iznosu od 795,67 KM/1.000 Sm³, odnosno 0,79567 KM/Sm³ (t=15°C, p=1,01325 bar, važeći uslovi za Bosnu i Hercegovinu), donja toplotna vrijednost prirodnog gasa (Hd=34.075,60 kJ/Sm³).

Napominjemo kako u iznos veleprodajne cijene prirodnog gasa nije uračunat porez na dodatnu vrijednost.

Na osnovu naprijed navedenog jasno je kako u 2025. godini nije rađeno kvartalno usklađivanje veleprodajnih cijena prirodnog gasa. Naime, u Federaciji Bosne i Hercegovine do promjene veleprodajne cijene prirodnog gasa može doći isključivo nakon što snabdjevač gasom tarifnih kupaca u konkretnom slučaju Energoinvest d.d. Sarajevo podnese zahtjev za promjenu cijene. Uz dostavljeni zahtjev se obavezno mora dostaviti mišljenje Federalnog ministarstva energije, rudarstva i industrije kao resornog ministarstva. Kompletiranjem dokumentacije Federalno ministarstvo trgovine provedi proceduru i upućuje Prijedlog odluke o davanju saglasnosti na veleprodajnu cijenu prirodnog gasa za distributivna privredna društva na području Federacije Bosne i Hercegovine Vladi Federacije Bosne i Hercegovine na razmatranje i usvajanje.

Slijedom navedenog, veleprodajna cijena prirodnog gasa utvrđuje se kao mjera neposredne kontrole cijena putem davanja saglasnosti na cijene od strane Vlade Federacije Bosne i Hercegovine, te s tim u vezi u prilogu dostavljamo tabelarni pregled kretanja veleprodajnih cijena za vremenski period od 2023. do 2025. godine.

S poštovanjem,



MINISTAR

Amir Hasičević